

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 35. sjednici, održanoj dana 12.12.2019. godine, donosi

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice po Inicijativi Meldine Ugarak, poslanice u Skupštini Zeničko-dobojskog kantona za izmjene Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16).

II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Mirza Ganić

Broj: 02-_____ /19

Datum, 12.12.2019. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x a/a.



ZENIČKO-DOBOJSKI KANTON
VLADA

N/r Sekretara
N/r Premijera

Broj: 09-02-12628-6/19
Zenica, 03.12.2019. godine

PREDMET: Mišljenje o poslaničkoj inicijativi poslanice u Skupštini Zeničko-dobojskog kantona
Meldine Ugarak, daje se

Postupajući u skladu sa zaduženjem po aktu Stručne službe Vlade broj: 02-1-02-12628-2/19 od 01.11.2019.godine, a u vezi dopune materijala po predmetu dostavljanja mišljenja na poslaničku inicijativu poslanice u Skupštini Zeničko-dobojskog kantona Meldine Ugarak za izmjenu Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16: u daljem tekstu Kantonalni zakon) u dijelu koji se odnosi na način finansiranja ustanova i institucija u članu 151. stav (3) i članu 152. stav (2), a nakon razmatranja dostavljene inicijative, Ministarstvo za rad, socijalnu politiku i izbjeglice daje sljedeće:

M i š l j e n j e

Predmetom inicijativom predlažu se izmjene člana 151. stav (3) i člana 152. stav (2) Kantonalnog zakona, kojima se određuje način finansiranja ustanova i institucija od strane Kantona i gradova/općina Zeničko-dobojskog kantona kada postoji zajednički interes. Važećim zakonskim odredbama člana 151. stav (3) propisano je da se iz budžeta Kantona finansiraju ustanove i institucije koje osniva Kanton u funkciji obavljanja djelatnosti iz okvira ovog zakona, dok je članom 152. stav (2) ovog zakona propisano da se iz budžeta općine finansiraju ustanove, čiji je osnivač općina.

Ministarstvo je stajališta da prilikom utvrđivanja pravnog osnova za finansiranje svih oblika socijalne zaštite iz kantonalnog i gradskog/općinskog budžeta, treba imati u vidu cjelokupne odredbe člana 151. i člana 152. Kantonalnog zakona. Naime, članom 151. Kantonalnog zakona precizirani su u stavu (1) oblici socijalne zaštite, koji se finansiraju iz kantonalnog budžeta, dok je u stavu (2) ovog člana utvrđeno da će Kanton, u skladu sa svojim mogućnostima, finansirati ostale dodatne potrebe i intervencije socijalno-zaštitnog karaktera. Takođe su i članom 152. Kantonalnog zakona nabrojani oblici socijalne zaštite koji se finansiraju iz općinskog budžeta, s tim da je u stavu (3) ovog člana propisano da će općina u skladu sa svojim mogućnostima podsticati rad općinskih udruženja, drugih srodnih udruženja i organizacija socijalnog karaktera.

Dakle, naprijed navedene zakonske odredbe člana 151. i člana 152. Kantonalnog zakona već sadrže obaveze finansiranja ustanova i institucija socijalnog karaktera iz kantonalnog i gradskih/općinskih budžeta, a podnesena Inicijativa ukazuje na potrebu preciziranja tih zakonskih odredaba, ali bez konkretnih prijedloga. S tim u vezi, ovo ministarstvo je stajališta da nisu stečeni uslovi za prihvatanje predložene inicijative, ali će nastojati da se prilikom usklađivanja Kantonalnog zakona sa Zakonom o hraniteljstvu u Federaciji BiH, odnosno izmjena i dopuna zakonskih odredbi obaveze finansiranja ustanova iz oblasti socijalne zaštite preciznije definišu.

Obzirom na složenost i sveobuhvatnost izrade ovog zakona i potrebu da se obezbijede budžetska sredstva za provođenje zakona, Ministarstvo je opredjeljenja da se pri izradi prijedloga za izmjene i dopune Kantonalnog zakona, obavi i konsultacija sa Savezom gradova i općina Federacije BiH, u skladu sa Zakonom o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09